

АЁЛЛАРДА ЖАРОҲАТДАН КЕЙИНГИ СТРЕССНИНГ КВАЛИФИКАЦИЯСИ

<https://doi.org/10.5281/zenodo.14537450>

Алимова Умида Рахматиллаевна

Ўзбекистон. Низомий номидаги ТДПУ

“Амалий психология” кафедраси ўқитувчиси

Тел:+998901897790

umkaazimova507@mail.ru

Аннотация

Стресс муаммолари мазкур олимлар томонидан ўтиш даври, мураккаб, инкирозли ва шу билан бирга инсон шахси камолотида ҳал қилувчи аҳамиятга эга давр сифатида талкин этилади. Айнан шу даврга келиб инсонда фаолият доираси кенгайиши, характер сифат жихатдан ўзгариши, онгли хулқ-атвор пойдеворига асос солиниши, ахлоқий тасаввурлар шаклланиши таъкидланади.

Калит сўзи

Стресс, шахс, психологик, жароҳат, жисмоний жароҳат, рухий жароҳат, кечинма, хатти-ҳаракат.

КВАЛИФИКАЦИЯ ПОСТТРАВМАТИЧЕСКОГО СТРЕССА У ЖЕНЩИН

QUALIFICATION OF POST-TRAUMATIC STRESS IN WOMEN

Аннотация

Проблемы стресса трактуются этими учеными как переходный период, сложный, кризисный и в то же время решающий период в развитии человеческой личности. К этому периоду подчеркивается, что сфера деятельности у человека расширяется, качественно меняется характер, закладываются основы сознательного поведения, формируются нравственные представления.

Ключевые слова

Стресс, личность, психологическая травма, физическая травма, психологическая травма, опыт, поведение.

Оиладаги зўравонлик тажовузкор ернинг зўравонлик ҳаракатининг алоҳида ҳодисаси эмас, балки “гендер стереотип” сифатида қаралади. Аслида, оиладаги зўравонлик ва зўравонлик таҳдиди аёлларни шахсий еркинлик ва ўзини англаш имкониятларидан маҳрум қилиш учун мавжуд куч ва назорат механизмлари бўлиб, дунёдаги аёлларга нисбатан умумий камситиш контекстида улар аёлларга нисбатан умумий зўравонликнинг намоён бўлишини белгилайди.

Ижтимоий-тарихий ва ҳуқуқий омиллар билан бир қаторда жамиятда тажовузга, зўравонлик ҳаракатларига, шу жумладан оилавий шароитда ҳам зўравонликка мойил бўлган шахсларнинг мавжудлиги зўравонлик динамикасининг прогрессив хусусиятига егаллигини кўрсатади. Бу еса, аёллардаги психологик билим даражаси ва вазиятни обектив баҳолаш ко'никмасининг етарлича шакланмаганлиги кўпинча оиладаги зўравонлик обетига айланиб қолиш еҳтимолини оширади.

Жароҳатловчи стресс бир қатор ўзига хос хусусиятларга эга:

- 1) бўлиб ўтган воқеа-ҳодисанинг анланганлиги яъни, шахс ўз психологик ҳолати нима сабабдан ёмонлашганини билиши;
- 2) бу ҳолатни юзага келтирувчи ташқи сабабларнинг мавжудлиги;
- 3) бўлиб ўтган воқеа-ҳодисанинг кундалик ҳаёт тарзига таъсир этиши;
- 4) бўлиб ўтган воқеа-ҳодисанинг даҳшат ва нажодсизлик ҳиссини чақириши, бирор хатти-ҳаракатни амалга оширишда ёки қарор қабул қилиш ожизлик.

Бошдан кечирилган психологик жароҳат туфайли юзага келган бузилиш шахснинг барча функционал соҳалари (жисмоний, шахсий, шахслараро ва ижтимоий ҳамкорлик даражаси)га таъсир ўтказди, нафақат стрессни бошдан кечирган шахсларда, балки унинг оила аъзоларда ҳам барқарор шахсий ўзгаришга олиб келади.

Жароҳатловчи стрессни бошдан кечириб натижасида баъзи шахсларда келажакда жароҳатдан кейинги стресс (ПТСР) юзага келади.

Жароҳатдан кейинги стресс – бу жароҳатловчи стрессга нопсихотик тезкор реакция бўлиб, ҳар қандай шахсда юзага келиши мумкин бўлган психологик бузилишдир. Жароҳатдан кейинги стресс уни бошдан кечирганларда кузатилган симптомлар комплекси билан белгиланади.

ДСМ – ИВ (Diagnostic and Statistical Manual of mental disorders – Америка психиатрия ассоциацияси томонидан тайёрланган психиатрик

стандарт классификацияси)га мувофиқ бу симптомлар комплекси куйидагидан иборат.

А. Жароҳатловчи воқеа-ҳодиса иштирокчисига айланган индивид куйидаги 2 пунктни бажарган бўлиши керак:

1. Индивид ўлим хавфи, жиддий жароҳатланиш хавфи ёки жисмоний саломатликка зарар етиши иштикорчиси бўлиши ёки гувоҳи бўлиши.

2. Индивид реакциясининг интенсив кўрқув, иложсизлик ёки даҳшатдан иборатлиги.

Б. Жароҳатловчи воқеа-ҳодисанинг бир ёки бир неча ҳолатларда қайтарилиши:

1. Жароҳатловчи воқеа-ҳодисага хос образ, фикр ва идрок этилган нарсаларнинг оғир эмоционал кечинмаларни чақириши.

2. Воқеа-ҳодиса билан боғлиқ такрорланувчи оғир тушлар.

3. Жароҳатловчи воқеа-ҳодиса яна такрорлангандек ҳаракатланиш ёки ўзини шундай ҳис этиш.

4. Жароҳатловчи воқеа-ҳодисани эслатувчи ёки рамзийлаштирувчи ташқи ёки ички вазиятларни интенсив оғир кечинмалар чақириши.

5. Жароҳатловчи воқеа-ҳодиса аспектларини ташқи ёки ички рамзийлаштирувчи вазиятларда физиологик реактивлик.

С. Жароҳат билан боғлиқ стимуллардан доимий қочиш ва “караҳт қилиш” – эмоционал реакцияларни блоклаш (жароҳатгача кузатилмаган). Куйида санаб ўтилган хусусиятларнинг уч ёки ундан ортиғи билан белгиланади:

1. Жароҳат билан боғлиқ ўй-хаёллар, туйғулар ёки суҳбатлардан қочишнинг кучайиши.

2. Жароҳатни эслатувчи хатти-ҳаракат, жой ёки одамлардан қочишнинг кучайиши.

3. Жароҳатнинг муҳим аспектларини эслаш олмаслик(психоген амнезия).

4. Олдин муҳим бўлган фаолиятларда иштирок этишга қизиқишнинг сезиларли даражада пасайиши.

5. Бошқалардан фарқ қилиш ёки ажралиб қолиш туйғуси.

6. Аффектни ифодаланишининг пасайиши.

7. Келажакдан умидсизлик туйғуси.

Д. Кўзғалишни кучайтирувчи доимий симптомлар(жароҳатгача кузатилмаган). Куйида келтирилган симптом билан белгиланади:

1. Уйқуга кетишга қийналиш ёки ёмон ухлаш (эрта уйғониш).

2. Асабийлашиш ёки жаҳлдорлик.

3. Дикқатни жамлашга қийналиш.

4. Юқори даражада эҳтиёткорлик, огохлик, доимий хавф-хатарни кутиш.

5. Гипертрофик кўркув реакцияси.

Е. Ўзгаришларнинг 1 ойдан узоқ давом этиши (В, С ва Д пунктлардаги симптомлар).

Ф. Психологик ўзгариш ижтимоий, касбий ёхуд ҳаёт фаолиятининг бошқа муҳим соҳаларида клиник жиҳатдан мураккаб оғир эмотсионал ҳолатни чақиради.

Симптомлар жароҳатловчи вазиятдан кейин дарҳол ёки бир неча йил ўтиб ҳам юзага келиши мумкин.

Бугунги кунда ҳорижлик муаллифлар томонидан жароҳатдан кейинги стресс ташхисига кўшимча равишда яна бир категория – жароҳатдан кейинги шахслиликдаги тартибсизлик таклиф этилади. Яъни бундай жароҳат шахс руҳиятида ўчмас из қолдириб, унинг шахсида патологик трансформацияни юзага келтириши мумкин.

Жароҳатдан кейинги стресс кўшлаб стрессли вазиятларнинг асорати бўлиши мумкин. Турли сабабларга кўра (жароҳат хусусияти, индивидуал шахс хусусиятлари, ижтимоий муҳит кўллаб-қувватлаши ва ҳ.к.) жароҳатловчи кечинмалар ўзига хос хусусиятларга эга бўлади. Ҳар доим психологик жароҳат руҳий азоб беради. Шахс бу азобли кечинмалардан кутилишни истайди, лекин камдан кам ҳолларда ўзини ўзгартиришга ҳаракат қилади. Бундай вазиятларда ўз устида ишлаш узоқ ва азобли кечади. Жароҳатловчи кечинмалар ҳаддан ташқари оғир ва чидаб бўлмас даражага етганда онгдан сиқиб чиқарилади. Шахс уни онгдан сиқиб чиқариб, ўзидан ажратади.

Жароҳатланган шахс ҳаддан ташқари кучли эмотсионал ҳолатни бошдан кечиргани учун ҳаммасидан ҳам кўра ўша ҳолатнинг такрорланишидан кўрқади. Жароҳатловчи воқеа-ҳодиса билан боғлиқ эмотсиялардан қочиш учун барча имкониятларни ишга солади.

Жароҳатловчи вазиятни эсга туширадиган ҳар қандай стимул (хид, товуш ва ҳ.к.) барча ҳиссиётларни уйғотади ҳамда шахс такрор ва такрор жароҳатловчи воқеа-ҳодиса вақтида хис этган кечинмаларини бошдан кечиришига тўғри келади. Шунинг учун шахс ўз “жароҳат маркази”ни бирор стимул беҳосдан очиб юбормаслиги учун доимо огоҳ туриши, жароҳатловчи вазиятни эсга туширувчи ҳамма нарсадан қочиши керак. “Жароҳат маркази”ни сақлаш шахсдан борган сари кўпроқ куч талаб қилади.

Натижада тушкунлик, уйқусизлик, сезгирликнинг ортиши, диққат, хотира ва бошқаларнинг бузилиши юзага келади.

Сурункали эмоционал зўриқиш жисмоний саломатликнинг ҳам ёмонлашувига олиб келади. Психосоматик бузилиш юзага келади. Деструктив кечинмалар, психологик ҳимоя механизмлари мушаклардаги тортишиш ва зўриқиш каби шахс танасида ифодаланади. Стрессли вазият ёки психологик жароҳат “мушак брони”ни юзага келтиради. В.Райх таъкидлашича, психологик ҳимоя механизмларидан “актуал эмоционал кечинмалар” ни яширишда фойдаланилади ва турли гуруҳга оид мушаклар зўриқиши, тортинчоқлик билан нафас олиш каби белгилар билан ифодаланади.

Шахс бир ёки бир неча жароҳатловчи воқеа-ҳодисаларни бошдан кечиргач, унинг психикаси чуқур зарар кўради. Бу воқеа-ҳодисалар унинг ҳаётини тажрибасидан тубдан фарқ қилгани учун кучли азоб чекади ва шахс салбий реакциялар билан жавоб қайтаради. Бундай вазиятда нормал психика табиийки, дискомфортни юмшатишга ҳаракат қилади: шахс ҳаётини озгина бўлсада енгиллаштириш учун атроф-оламга муносабатини тубдан ўзгартиради, бу эса ўз навбатида психологик зўриқишни чакиради ва психологик ҳимоя механизмларини шаклланишига шароит яратади. Бу ҳолатда психологик ҳимоя шахснинг стрессли вазиятни бошдан кечиришига жавобан ривожланади, шу сабабли жароҳатланган шахс бўлиб ўтган воқеа-ҳодиса, ҳиссиётларни қабул қила олмайди ва англай олмайди.

Аёлларнинг муҳим хусусиятларидан бири – бу унинг эмоционаллигидир. У ўз атрофидаги ҳар қандай ўзгаришга сергаклик билан жавоб қайтаради – ҳоҳ у ижобий бўлсин, ҳоҳ у салбий. Айнаан аёлларда стрессли вазиятлар таъсирига нисбатан заиф ва беқарор категорияга мансуб ҳисобланади.

АДАБИЁТЛАР РЎЙХАТИ

1. Бургес Е. Подростковая агрессия. - М., 1999. – 28 с
2. Батурин Н.А. Оценочная функция психики: Автореф. дис. ...докт. псих, наук. СПб., 2004. – 32 с.
3. Волков Б.С. Конфликтология: Учебное пособие для вузов / Б.С. Волков. - М.: Академический проект, 2010. – С.76.
4. Гозман Л.Я. О психологической помощи учащимся как важнейшей функции учителя. // Психолого-педагогическая коррекция и психотерапия

девиантного поведения и дисгармонии в развитии личности детей и подростков. - Воронеж, 1993. - С. 14-18.

5. Гринберг Ж. Психопатология подросткового возраста (теоретический, клинический и судебно-психиатрический аспекты), - Томск: Изд-воТом, Унта, 1994. - 310 с.